



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18) i Zaključka Vlade Brčko distrikta BiH broj predmeta: 02-000122/19, broj akta: 01-11-1161DS-003/19 od 26. 6. 2019. godine, Skupština Brčko distrikta BiH na I. nastavku 54. redovne sjednice održanom 30. oktobra 2019. godine, donosi

ODLUKU

O USVAJANJU MJERA ZA POBOLJŠANJE POSLOVNOG AMBIJENTA U BRČKO DISTRIKTU BOSNE I HERCEGOVINE

Član 1

Skupština Brčko distrikta Bosne i Hercegovine usvaja mjere za poboljšanje poslovnog ambijenta u Brčko distriktu BiH, i to:

- a) Donijeti strategiju razvoja Brčko distrikta BiH u smislu određivanja pravaca djelovanja i razrade sektorskih opredjeljenja za period 2019.–2026. godine, a koja bi bila vremenski usklađena sa strategijom razvoja entiteta i Evropske unije. U DOB-u implementirati strategiju razvoja Brčko distrikta BiH. Navedeni strateški ciljevi iz strateških dokumenata i utvrđenih politika sektora u procesu podnošenja zahtjeva Vladinih odjeljenja i institucija Distrikta za budžetskim sredstvima moraju biti preslikani (preneseni) u srednjoročni budžet (DOB) i godišnji budžet po utvrđenim Vladinim prioritetima.
- b) U najkraćem mogućem periodu donijeti zakon o poslovnim zonama Brčko distrikta BiH s ciljem jačanja konkurentnosti privrede ovog područja, kao i stvaranja uslova za privlačenje domaćih i stranih poslovnih inicijativa.
- c) Izvršiti izmjene i dopune Zakona o porezu na dohodak Brčko distrikta BiH na način da se poveća osnovica neoporezivog dijela dohotka.
- d) Izvršiti izmjene i dopune Zakona o porezu na dobit Brčko distrikta BiH na način da pravna lica nerezidenti koji ostvare prihod na prostoru Brčko distrikta BiH budu adekvatno oporezovani.
- e) Preduzeti mjere na ubrzanju realizacije kapitalnih projekata i javnih investicija.
- f) S ciljem racionalizacije poslovanja i ukidanja poslovnih barijera, posebno u dijelu osnivanja privrednih subjekata, pribavljanja svih potrebnih dozvola za rad i početka rada istih, intenzivirati aktivnosti na uspostavi jednošalterskog sistema za registraciju i izmjeni neophodne zakonske regulative koja bi to omogućila.

- g) Raditi na usklađivanju ponude radne snage na tržištu rada i potreba privrede u pogledu kvalifikacione strukture.
- h) Potrebno je ažurirati listu projekata i ponuditi projekte od strane Vlade Brčko distrikta BiH koji će biti atraktivni za nove ulagače, potencirati ulaganja po osnovu javno-privatnog partnerstva.

Član 2

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-706/19

Brčko, 30. 10. 2019. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

1. Predsjedniku
2. Dopredsjedniku
3. Gradonačelniku
4. Glavnom koordinatoru Vlade
5. Odjeljenju za privredni razvoj, sport i kulturu
6. Sektoru za opšte poslove i strateško planiranje
7. Arhivi